



Fernand ETGEN  
President vun der  
Chamber vun den Deputéierten  
19, um Krautmaat  
L-1728 Lëtzebuerg

Lëtzebuerg, den 10/08/2022

**Här President,**

**Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un d'Ministesch fir Ëmwelt, Klima an nohaltëg Entwécklung weiderzeleeden.**

Déi franséisch Regierung huet viru Kuerzem eng Sondererlabnis fir 5 Atomkraaftwierker ginn, déi et de Kraaftwierker erlaabt, méi waarmt Killwaasser zeréck an d'Flëss ze leeden. Dës Sondererlabnis gëllt bis den 11te September. D'Atomkraaftwierk zu Cattenom ass zwar dovunner net betraff, mee och hei besteet een eescht ze huelende Risiko, dass mat der undauernder Dréchant et geschwënn dozou komme kann.

An deem Zesummenhang wéilt ech der Ministesch dës Froe stellen:

1. Huet d'lëtzebuergesch Regierungen Informatiounen iwwert den Impakt vun der aktueller Dréchant op d'Situatioun vum Atomkraaftwierk zu Cattenom?
2. Besteet d'Méiglechkeet, dass och Cattenom méi waarm Ofwaasser an d'Musel kéint pumpelen?
3. Wéi eng international Reegelen (Traitéen, Accorden) gëllen, am Fall wou d'franséisch Regierung méi waarmt Waasser wéilt an d'Musel leeden?  
Kann d'franséisch Regierung dat einfach esou decidéieren, am Fall wou de Floss duerch een anert Land geet?  
Wéi kéint Lëtzebuerg sech géint esou eng Decisioun wieren?

Mat déiwem Respekt,



[www.piraten.lu](http://www.piraten.lu)



GOERGEN Marc

Député



[www.piraten.lu](http://www.piraten.lu)